



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm IX. Licet.

[urn:nbn:de:hbz:466:1-62587](#)

sine liberis decesserit, bona eius pauperibus dentur, vel Ecclesiæ parochiali, hoc casu preferenda sit causa pia substituta, quia si priuilegiatus concurrat cum priuilegiato, tum cessantibus priuilegiis seruatur jus communne. Vt late hic tradit Panorm. n. 36. & limitatio ista habetur in cit. authent. expressè §. Sed & hoc.

CAPITVLVM IX.

Licet.

PARAPHRASIS.

Inter Archiepiscopum Rauennatensem, & Communitatē Fuentinam Controuersia erat super jurisdictione, honore, atque districtu in Villa S. Petri & Castro Ariorli, quod dicta Ecclesia ad se pertinere dicebat, hæc causa coram Pontifice discussiā erat; sed quia partibus molestum erat, testes Romam adducere, ideo Pontifex Innocentius III. mandauit Episcopo Placentino, ut attestations tam super negotio principali, quam super personis testimoniū intra trimestre reciperet; dein partis vtriusque procuratores vñā cum signatis attestacionib⁹ ad Sedem Apostolicam destinaret. Publicatis postea corā Pontifice attestacionib⁹ Syndicus Fuentinorum proposuit, se quādam contra testes partis aduersæ obiecturum, sed economus Ecclesiæ replicauit, id fieri non debere. Tum Pontifex interlocutoriē de creuit, Syndicum illum audiendum non esse, quia tempus trimestre, quod partibus datum erat ad proponendum tam super testibus, quam super negotio ipso, clapsum esset. Postea idem Syndicus obiecit, quod testes corrupti falsum dixissent, tunc considerans Pontifex huiusmodi exceptionem, non solum ante, sed etiam post sententiam opponi posse, licet aliqui crederent, malitiosè ad impiendiū processum talia obiici, tamen ne à iuri regula discederetur, Papa præcepit quibusdam, ut testes super exce-

ptione corruptionis ac falsitatis à Syndico producendos intra mensē recipere, ac examinarent, de omnibus circumstantiis exactè inquirentes, indulto altero mense Ecclesiæ & economo, intra quem si velit, alios ex aduerso testes producere possit, atque dicta testimoniū diligenter conscribentes, ea postea Pontifici mittant, viginti dierum spatio præfixo parti vtrique, intra quod vñā cum attestacionib⁹, Papæ conspectui se presentare debeant. Id cùm factum esset, attestations istæ publicatae sunt, atque permisum partibus, vt quæcumque vellent, proponere possent, tametsi verò Fuentini multos testes super negotio principali produxerint, vix tamen sexorum concordes fuerunt, sed alii quidem inter se contradicentes, alii autem singulares reperiebantur. Quod verò attinet ad testes qui à Fuentinā vniuersitate producti erant, ad reprobando testes Ecclesiæ Rauennatensis, plures eorum reprobandi erant, quia euidentissimè inter se contradicebant, alii verò pauci, licet expressè non fuerint reprobandi, tamen adeò male famæ & leuis opinionis erant, ut eorum dictis nulla aut modica fides adhibenda esset. Sed & iidem testes Fuentini vniuersim reprobandi erant, quia non probârunt id, ad quod probandum Syndicus se adstrinxerat, videlicet quod testes Rauennatenſes corrupti falsa dixissent; quia tametsi de corruptione aliquid dixisse videbantur, tamen de falsitate nihil omnino dixerunt. Ceterū ex depositione testimoniū productorum ex parte Ecclesiæ, qui & numero plures erant & aptiora ac propinquiora negotio afferebant, clarè apparebat ex vniuersis articulis jurisdictionem experimentibus, quod dicta Ecclesia à sexaginta jam annis in illis locis jurisdictionem, honorem ac districtum possederit, quamobrem si Communitas Fuentina ab annis quinquaginta, sicut testes eorū asseuerasse videntur, seruitia quādā in iisdē loci percepit, colligitur eos (Fuentinos) possessionē

in iustè inchoâsse, cùm duo simul, & eodem modo eandem rem in solidum possidere haud possint, præsertim cùm Fauentini justum possessionis titulum non ostendant, at verò pro Ecclesia Rauennatensi ex Imperatorum & Pontificum Romanorum priuilegiis appareat, eorum possessionem justam esse. Quare cùm constet Fauentinos ex eo tempore, quo possessionem suam probârunt, aliqua minus justè ac sine titulo occupâsse, atque Procurator Rauennatensis petuerit, Fauentinos prohiberi à turbatione & inquietatione, idèò perpendit Pontifex, in hoc casu non ita locum esse interdicto, *vti possidetis*, *vt dicatur*, *ut possidetis*, *ita possidentis*, quandoquidem probationes Ecclesiæ longè potiores sunt, & ideo ea in interdicto hoc possessorio superare debat: quapropter Pontifex dictam communitatem super honore, jurisdictione & districtu locorum condemnat in judicio possessorio, de quo tantum actum fuerat, perpetuum silentium indicens, & ut in posterum à molestatione abstineatur.

S V M M A R I V M:

1. In oppido vel civitate competere alicui possunt jurisdictione, Honor & Districtus.
2. Quibus modis Actor in judicio versari possit, si latius sumatur actoris vocabulum.
3. Variis varia jurisdictione competit.
4. Ad testes producendos, vel ut contra eos opponatur, certum tempus à Iudice presigio potest.
5. Admittitur etiam post latam sententiam adhanc rescindendam oppositio, & probatio, de testium aut instrumentorum falsitate; ita ut executio prioris sententia suspensa emaneat, dum lis super testium aut instrumentorum falsitate pendet.
6. Si pars litigans, testibus contrâ se productis, nulla formavit interrogatoria, vel non sufficienter, tenetur Index ex officio supplere defeluum accurate ea formando.
7. Testi improba vita, incansicinib[us], aut

criminalibus exceptis, admisso, proratione maioris, aut minoris improbitatis, aliqua, aut nulla fides adhibenda.

8. Dari non possunt duo eiusdem rei possessores simul in solidum.

9. Quâ formâ uti debet Index in possessorio retinenda, & unde colligi possit, penes quem litigantium sit possessio, si plures eam sibi in solidum attribuant.

NOTA I. Tria sunt quæ alicui in ciuitate, vel oppido &c. competere possunt. Jurisdictione, honor & districtus. Jurisdictione interdum accipit latè, ita ut imperium sit eius species, interdum strictè, in l. 3. de jurisdictione. ubi jurisdictione distinguitur ab imperio mero, quod jus gladii continet. Mixtum autem imperium dicitur, cui non tantum imperium, sed etiam jurisdictione inest, ut tutores dare, in bonorum possessionem mittere. cit. l. 3. Denique jurisdictione cui Imperium non inest, sed tantum mercenario judicis officio exercetur, ea simplex dicitur, ut explicat Bart. in l. 1. ff. de jurisdictione, & dixi lib. 1. tr. 4. c. 5. Honor dicitur, quod aliquis in eo loco tanquam Dominus agnoscat, cui obsequia & seruitus deferenda sint. Districtus verò significat terræ spatium munitum & armatum jurisdictione, ut ex Baldo definit Felinus c. Randolph. n. 18. de Rescript. Dicitur etiam quandoque jurisdictione territorialis.

Pro meliore intellectu quedam sunt aduertenda. 1. Tribus modis aliquis in judicio versari potest, ut actor, latè sumpto vocabulo, exigendo publicam vindictam ob crimen accusati. 2. Aliquid exigen- do à parte ob jus seu obligationem priuatam. 3. Exigendo aliquid à judge ob utilitatem priuatam. In primo casu, qui judicio criminali ad publicam vindictam agit contra malefactorem, is crimen commissum in libello proponere debet, sed necesse non est, ut conclusionem seu petitionem adiungat, cùm judec ex nobili officio teneatur pénam publicam decernere, si crimen in judicio notificatum fuerit l. 3. ff. de accusationibus. In 2. Casu, qui pro priuatâ utilitate agit contra aduersarium, debet

debet in libello concludere & petere id, ad quod Reus obligatus est. l. i. ff. *De edendo*, nam judex tunc & non aliter officium suum Actori impartitur, idèo enim dicitur hoc judicis officium mercenarium, quia ad strictum est seu deserviens actioni, prout explicat *Bartolus in cit. l. i. n. 10*. In tertio casu, petitio ad Judicem referri debet, ita ut eius officium misericorditer imploretur, v. g. ad tutorem dandum, ad in integrum restituendum, dispensationem al. dve beneficium conferendum. Strictius enim obligatur pars ex contractu aut delicto, videlicet secundum commutativam justitiam, non autem tam strictè judex ex officio suo nobili obligatur ad succurrendum utilitati priuatæ, sed tantum ex æquitate aut justitia legali, ita tamen, ut frequenter iniuria quædam reputetur, si deneretur; l. i. §. planè junct gl. marg. ff. *Do aqua quotid.* & idèo etiam appellatioñis remedium in tali casu concessum est. l. i. C. *Si sepius in integrum.*

³ Alterum. Interdum aliquis habet Dominium seu jus proprietatis in fundo, etiam junctum cum usufructu, & tamen non habet jurisdictionem ullam, quare dicunt aliqui ex *Bartolo in cit. l. i. n. 15*, quod aliquis habere possit territorium, & non districtum seu jurisdictionem territorialem; nam territorium definitur universitas agrorum intra fines utriusque loci, tametsi plerumque adjuncta sit jurisdictione & species quædam imperij mixti aut meri: quamobrem Jure Consulti in l. pupill. 239. §. *Territorium. ff. de verb. signific. junct. l. Moris ff. de pœnis*, existimant, territorium dici à terrédo, tanquam à communiter accidente; tamen talis qualitas separari aut abesse nonnunquam potest, ut bene explicat *Everhard. tom. 2. Consil. 34. n. 29*. Vt si Imperator in criminis pœnam ciuitatem aliquam Imperiale omni jurisdictione priuatet in territorio suo. Interdum verò habet aliquis imperium merum seu jus gladij, das Blut oder Halsgericht/ sed etiam jurisdictionem nullam obtinet, ut idem Everhard. notat fol. 478. Et vice versa interdum aliquis habet jurisdictionem simpli- cem & imperium mixtum, videlicet ut tu-

tores dare, in integrum restituere, in bonorum possessionem mittere, item seruitia & alia onera indicere subditis possit, & tamen non habet imperium merum seu jus gladij, quod in Germania à plerisque etiam appellatur, das Obergericht. Multi tamen habent jus capiendi & incarcerandi malefactores in territorio suo, quos intra certum tempus v. g. 24. horas superiorem jurisdictionem habenti praesentare debent.

Nota II. Judex interdum etiam non pertinentibus partibus terminum temporis praesigit, intra quem testes produci, vel contra eos opponi debeat, ita ut postea testes non recipiantur. Ita gl. magna hic. *Decimus n. 13.*

Nota III. Postquam in causa conclusum fuit, imò etiam post latam sententiam, opponi potest, testes fuisse falsos. Sed intelligi id debet non directè in Ordine ad articulum probatorum, quandoquidem circa eum probationes in utramque partem auditæ fuerunt, sed formaliter in ordine ad propios testes, quod dolo seu mendaciter depo-suerint, ut si ostendatur, eos non fuisse praesentes negotio cui testimonium perhibent. Ita habetur in *Clem. 2. de testib. junct gl. verb. Contrariis*. Idem quoque traditur de Instrumentis, ut si de falsitate argui possint, talis oppositio atque probatio etiam post latam sententiam recipi debeat l. i. C. *Si ex falsis Instrum.* & proderit talis ostensio falsitatis ad hoc ut sententia rescindenda sit per integrum restitutionem cit. l. i. & l. 2. C. *codem*, atque interim dum lis super falsitate testimoniū aut instrumentorum pendet, etiam execu-tio prioris sententiæ suspensa esse debet. l. ult. C. *cod.* Duo tamen requiruntur, ut sententia ex hac causa rescindi debeat, videlicet, ut quæstio falsitatis seu falsationis prius in judicii progressu mota non fuerit; & quod judex ex falso instrumento aut falsis testibus ad ita judicandum motus fuerit, ut habetur in l. 3. C. *cod.* His adde, esse etiam hanc speciem testis falsi, si sit corruptus pecuniâ, ut talia diceret. e. *Sicut. 9. De testibus. l. 5. ff. ad leg. Cornel. de falsis. & tradunt Panorm. Felin. hic. n. 4 Masecard. verb. Corrup. Conclus. 454.* & idèo sententiam latam ex taliter corru-

ptorum testimoniis allegationibus, per restitu-
tionem in integrum rescindendam esse. *l.*
Divis. 33. ff. De re judicata. Neque ob-
stat his textus huius Capituli, nam ad te-
stimoniū corruptionem, quæ aliquo modo
probata videbatur per testes ex adverso
adductos, idē Pontifex non attendit,
quia ut *glossa hic monet*, Syndicus adstrin-
ixerat se ad duo probanda, videlicet quod
corrupti falsa dixerint; quamobrem cau-
ti esse debent Procuratores & Advocati,
ut protestentur quod tametsi plura alle-
gent in articulis, non tamen se ad super-
fluas probationes obligare velint. Deinde
responderi potest, quod testes à Syndico
producti, corruptionem non sufficienter
probārint, & quod Pontifex habuerit suf-
ficiētia documenta de justa & plurimis
annis continuatā possessione, ut nullum
fuerit periculum falsæ depositionis in obie-
cto seu materia litis.

Nota IV. Licet pars litigans, contra
quam testes producuntur, interrogatoria
dare possit, id est, super quibus circumstan-
tiis articulorum productorum testes exami-
nari debeat. *cap. 2. junct. gl. verb. Interro-
gatoria de testibus. in 6.* Si tamen pars interro-
gatoria non dedit, aut non sufficienter de-
dit, tum iudex ex officio supplet, & interro-
gatoria accuratè format, uti appareat in hoc
*cap. &c. Cum causam. 37. de testibus. & docet
Francus in cit. c. n. 6. Farinae. de testib. q. 73.
n. 9.* Nam quotiescumque aequitas postulat
iudex ex officio interrogations formare
potest ad veritatem eruendam. *l. Undecun-
que. 21. ff. de Interrogatoris action.*

7 Nota V. Tametsi testis improbae vitæ
admitti possit in causis civilibus atque in
criminalibus exceptis, non tamen ei tanta fi-
des habenda, ac si integræ famæ esset, in modo
tanta esse potest improbitas ac lenitas, ut
nulla omnino fides habeatur, nisi dictum
suum indicis seu adminiculis probabile red-
dat. Ita aperte in hoc capitulo, & dixi de
hoc in *cap. 1. de Confessis.*

8 Nota VI. Duo eandem rem simul &
eodem modo in solidum possidere non pos-
sunt. Dicitur eodem modo, nam diverso

modo id fieri potest, videlicet, ut unus pos-
siderat tanquam proprietarius, alter ut usu-
fructuarius eundem fundum. Item ut unus
civiliter, alter corporaliter possideat, deinde
sicuti duo Domini eiusdem rei esse possunt
Communionis jure, sed non in solidum seu
totaliter, ita etiam duo eandem rem totam
simul eodemque modo possidere possunt,
sed non totaliter seu in solidum, & tum di-
citur res à pluribus possideri pro indiviso, *l.*
1. §. hoc interdictum. ff. VII possidetis.

Nota ultimā. Duobus modis agi potest, &
interdicto retinendæ possessionis. Vel ut a-
ctor contendat & petat sibi omnem posses-
sionem adiudicari, & adversario præcipit ut
desistat à praesente molestatione, & in futu-
rum non molestet: Insuper peti potest com-
pensatio damnorū, seu quanti interest mole-
stationem factā non esse. Vel ut parti adver-
sariæ non negetur, aut rationabiliter negari
non possit omnis possessio, quia v.g. duo rem
secundum partes diversas possident, vel u-
nius possidet ut proprietarius, alter ut usu-
fructuarius; & hoc posteriori casu seruari
debet formula interdicti, ut iudex dicat,
uti possidetis, ita deinceps possidatis: vel
sic clariū: quia ex actis & probationibus
constat, habere te possessionem proprieti-
atis, pronuntio, quod ita possidere debe-
as, & vim tibi aut molestationem inferri
veto, & quia adversarius tuus probauit pos-
sessionem vſusfructus, idē jubeo illum
possidere, ut vſusfructuariū, & molesta-
tionem circa vſumfructum non inferre. In
priori autem casu, si quis omnem rei posses-
sionem sibi attribuat, & alterum repellit
petat, tum iudex, si pro possidente judicio
retinendæ pronuntiet, non utitur eā for-
ma, *ut quisque uestrum possidet, ita possi-
deat*, si quidem in possessione quam vi aut
clam, aut precastio aliquis ab adversario
suo habet, defendendus non est, iuxta *l. ff.
V. possidetis. & l. Vnic. Cod. cod.* ubi dicitur,
quod per hoc interdictum possessor in pos-
sessione defendendus sit contra alterum,
dummodo nec vi, nec clam, nec precastio
possessionem ab eo nactus sit. Quod si vero
duosibi possessionem eiusdem rei in solidum

at-

attribuant, ut in casu huius cap. atque adeò vterque contra alterum sit Actör, & Reus, quando vterque petit, ut possessio sibi adjudicetur, alter desistat ab occupatione aut molestatione iniustâ, quomodo tunc procedendum sit. Si quæres; ex textu patebit responsio, quod scilicet judex ex utraque parte testes aliaque probationes tum ipsius possessionis, tum etiam tituli (si offerantur) præcipere possit, ex his enim apparebit, ultra pars vincere debeat; potissimum vero ex quatuor. Primum, si una pars plures testes adduxerit pro possessione sua. Alterum, si testes producti aptiora & probabiliora dicant. Tertiū. Si pars antiquorem suam possessionem ostenderit, tum altera præsumitur vi, clam, aut precatiō accepisse. Quartū, si altera pars titulum possessionis ostenderit, licet enim id necessarium non sit, quia possessor ostensa nuda possessione contra adversarium tuendus est, dummodo nec vi, nec clam, nec precariō ab ipso possessionem nactus sit. §. Quorum. verb. Hodie. Instit. de Interdict. tamen si probationes ex utraque parte pro possessione æquales censeantur, proderit ostendisse titulum possessionis, nam hoc casu ea potior, ac justior censembitur, altera autem possessio invasio quædam ac turbatio præsumetur.

CAPITULUM X.

Per tuas.

PARAPHRASIS.

Tiburtinus civis Caiam per septennium ut concubinam habuit, sed prolem toto tempore non procreauit; postea Caia recessit à Tiburtino, & post non multum temporis reversa in domum, peperit, asserens Patrem prolixi esse Tiburtinum, is licet ab initio negarit esse filium suum, tamen postea eum recognouit, appellans Raphaëlem, Raphaël cùm adolevisset, Sophiam Tiburtini ex sorore neptem uxorem ducere voluit, & cùm parentes Sophiæ propter consanguinitatem contradiccent, mater Raphaëlis cùm ju-

ramento testata est, se non ex Tiburtino, sed alio viro suscepisse Raphaëlem; de hac quæstione consultus Innocentius, Respondit, præsumendum esse quod Raphaël sit Consobrinus Sophiæ, atque adeò impeditus eam habere uxorem. Rationes afferuntur in textu. Prima, quia Caia primum constanter asseruit, Raphaëlem ex Tiburtino natum esse, imo potissimum ob mulieris asseverationem Tiburtinus eum recognouit, idè credendum non est contrariae mulieris asseverationi, quamvis juratæ, cùm nimis indignum sit, quod sua quæque voce dilucidè contestatus est, id in eundem casum infirmare, testimonioque proprio resistere. l. Generaliter. 13. Cod. De non numerata pecunia. Altera ratio, quia Raphaël communiter appellatus fuit filius Tiburtini, & pro tali habitus ab ipso & Caia.

SUMMARIUM.

1. *Judex non permettit matrimonium cum consanguineis Patris, si presumptiones pro filiatione adsint.*
2. *Presumitur autem pro filiatione legitima, si in domo mariti, eo præsente, & potente generare, nata sit ex coniuge proles.*
3. *Neque sola mulieris adultera & contra filium assertio presumptionem hanc elidit.*
4. *Pro filiatione tamen geniti ex concubina si alium à concubinario patrem nominet mulier, Iudicis arbitrio res committitur.*
5. *Probat etiam filiationem, si quis à quipiam ut filius nominatus, alitus & traditus fuit.*
6. *Neque per hoc solum quod prius pro filio agnitus & tractatus, postmodum reiciatur, filiationis presumptionem & possessionem amittit.*
7. *Facit etiam pro presumptione filiatione communis fama & opinio præserim vicinorum & Domesticorum.*
8. *Contra proprium testimonium, quo jus alteri, aut juris presumptionis acquista fuit, non creditur contrarium postmodum asserti in præindictum illius.*

Nota